

# Nassuiaat



KOMMUNEQARFIK SERMERSOOQ

Postbox 1005, 3900 Nuuk

www.sermersooq.gl

Uunga: Deloitte  
Nassiussisoq: Regnskabschef Pætur J Niclasen  
Cc: Kalaallit Nunaanni Kommuninik Nakkutilliisoqarfik  
Ulloq: 21.08.2023  
Qulequtaq: 2022-mut kukkurersiuisut nalunaarummut kukkurersiuisut oqaaseqaammut akissuteqaat

Matumuuna 2022-mut kukkurersiuisut nalunaarutaannut Kommuneqarfik Sermersuup akissuteqaataa nassiunneqarpoq.

## **Akissuteqaatit pingaernerit.**

2021-miit 2022-mut sanilliullugu allaffeqarfimmi pitsanngoriaateqarsimanera kommunip nuannaarutigalugu maluginiarpaa.

Kukkurersiuisut nalunaarumminni allaffigineqanngitsumik ima oqaasertalimmik allassimanerat taamaalilluta assut naammagisimaarparput:

” .....Paasinninnerput malillugu ukiumoortumik naatsorsuutit suliarineqarneri sutigut tamatigut eqqortuupput, tassa imaappoq Kommunit Namminersorlutillu Oqartussat missingersuutaat naatsorsuutaalu pillugit Inatsisartut inatsisaat nr. 26, 28. november 2016-imeersoq (Missingersuutitut inatsit) aamma Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-meersumut naapertuuttumik suliarineqarsimapput”.

Kukkurersiuisut 2022-mut naatsorsuutitut nutaanik oqaaseqaatissaqanngilaq, tamanna assut pitsaasuvoq peqatigitillugulu isumaqarluni Kommune ukiut siuliini oqaaseqaatinik massakkut ukkatarinnissinnaasoq.

## **Tunuliaqutaasoq suliniutillu aallartinneqartut.**

Suli annerusumik minnerusumilluunniit kukkurersiuisut nalunaarutaanni uparuarneqartartut arlaqarput. Kommuneqarfik Sermersuumut pissutsit taakkua iluarsinissai pingaaruteqarpoq.

Kommunip ulloq manna tikillugu suliniutinik nutaanik pingaarutilinnik suliassanillu ingerlataqarnini nangeqqippaa, tamakkununnga ilanngullugit missingersuutitik malitseqartitsineq pitsaanerusoq, aqutsinermi paasissutissanik, aningaasaqarnermi aqutsinikkut piginnaasanik pitsanngorsaanerit kiisalu illup iluani nakkutilliissutinik

# Nassuiaat



KOMMUNEQARFIK SERMERSOOQ

Postbox 1005, 3900 Nuuk

[www.sermersooq.gl](http://www.sermersooq.gl)

pitsanngorsaanerit, tamakkulu tamarmik kommunip allaffeqarfiata ineriartornerata ilorraap tungaanut isumannaatsumik nikeriarnissamut qularnaarisussaapput.

Suliniutit ilarpassui ukiup siuliani aallartinneqartut aningaasaqarnermut atortup iluamik ineriartortinneqarnissaanut suli pingaaruteqarput qitiutinneqarlutillu. Taamaattumik taamaaliornissamut immikkoortut tulliuuttut qitiutinneqarnissaat pisariaqarpoq:

- Inatsisinik malittarisassanillu malitaqarneq
- Akiliisinnaassusermik aqutsineq
- Aningasaqarnermi pisinnaasat piginnaasallu pitsanngorsarneqarneri
- Missingersuutinik malitseqartitsineq pitsaanerusoq
- Aningaasaliissutinik missingersuutinillu akisussaaffeqarnermik isumannaarineq
- Akiligassanik piffissaq eqqorlugu akiliisarneq aamma eqqortumik kontulersuinissamut ilaasut
- Innuttaasut suliffeqarfiillu kommunimut akiitsuinik pitsaaneruseqarnermik akiliisitsiniartarneq

Tamakkua saniatigut aningaasaqarnermut aqutsinerup pitsaasumik torersumillu qularnaarneqarnissaanut ingerlatsiviup pitsanngorsarnissaanut inerisarneqarnissaanullu nangittumik sulisoqarpoq.

Suliaq tamanna ingerlalluareerpoq, kisianni, siusinnerusukkut taaneqareersutut, ukiuni tulliuuttuni suliniutip ingerlaannarnissaa pisariaqassaaq, kommune suliaqassat suliarinerini anguniakkaminik angusaqarsinnaaqqullugu.

# Nassuiaat



KOMMUNEQARFIK **SERMERSOOQ**

Postbox 1005, 3900 Nuuk

[www.sermersooq.gl](http://www.sermersooq.gl)

**Ukioq manna kukknersiuisut oqaaseqaataannut akissuteqaatit.**

Kukknersiuisut 2022-mut ukiumoortumik naatsorsuutitut nutaanik oqaaseqaatissaqanngilaq.



### Ukiut siuliinut kukknersiuisut oqaaseqaataannut akissuteqaat

Kukknersiuisut oqaaseqaataannut allaffeqarfiullu taakkununga oqaaseqaataannut takussutissaq:

| Nr.     | Kukknersiuisut oqaaseqaataat  | Innersuussutigineqartut | Killiffik  |
|---------|---|-------------------------|------------|
| 2013-3  | Atuisunut akiliuteqartitsisarnermut atatillugu suleriaatsinik allaaserisaqarsimannginneq  | 2.3.1                   | Ammasq     |
| 2013-4  | Akissarsialeriffimmi amigaatit  | 2.3.2                   | Ammasq     |
| 2013-9  | Suliatigut aqutsisutut nakkutiginnissinnaannginneq  | 2.3.3                   | Ammasq     |
| 2013-12 | Sanaartornermut naatsorsuutinik il. il. tunniussineq  | 2.3.4                   | Matoqqasoq |
| 2014-2  | Qarasaasiatigut nakkutilliissutini tamanut atuuttuni sanngiiffiit amigaatillu   | 2.3.5                   | Ammasq     |
| 2018-05 | Suliffeqarfiit attuumassuteqarfigisallu akiitsunut tunngasunik aqqitassanik naligiissarisimannginneq                              | 2.3.7                   | Matoqqasoq |
| 2018-06 | Kalaallit Nunaanni Namminersorlutik Oqartussallu aqqitassanik naligiissaarinnnginnerit  | 2.3.8                   | Ammasq     |
| 2019-01 | Isumaginninnermut tunngasuni sullissinermi kukkunerit amigaatillu   | 2.3.10                  | Ammasq     |
| 2019-02 | Ingerlatsinermut sanaartornermullu tunngasunik misissuineq  | 2.3.11                  | Matoqqasoq |
| 2020-02 | Attartornissamut attartortitsinissamullu isumaqatigiissutit Naalakkersuisunut akuersissutigigitassanngorlugit nassiunneqanngitsut | 2.3.13                  | Matoqqasoq |

#### 2013-3: Atuisunut akiliuteqartitsisarnermut atatillugu suleriaatsinik allaaserisaqarsimannginneq

Ilumoorpoq, "Ingerlatsinermut Aningaasaqarnermillu Aqutsinermut Najoqqutassiaq" 2014-imi akuersissutigineqartoq tunngavigalugu, amigartunik imaluunniit amigaateqartunik suleriaaserpaaloqarpoq.

2022-mi suliassaqarfinni attuumassutilinni suloriusissamik allaaserinninnerit suliullu ingerlasarnerisa allaaserineqarnerisa sularineqarnerat aallartippat, taamaalilluni periutsit pillugit ilisimasarilikkat ass. sulisut nikerarnerisigut annaaneqannginniassammata. Meeqerivinnut eqqagassanillu eqqaanermut atuisutut akiliutit eqqarsaatigalugit akileeqqusissutinik suliqarnerit erseqqissarneqarlutillu titartarneqarput. Allaaserisassat iiltsersuutillu assigisaallu suli sularineqanngillat. Sularineqarneri 2023-mi naammassissasut naatsorsuutigineqarpoq. Atuisutut akiliutit eqqarsaatigalugit akileeqqusissutit allat allaaserinissaat erseqqissarnissaallu 2023-mi aallartinneqassapput.



#### **2013-4: Akissarsialeriffimmi amigaatit**

Kukkunersiuisut uparuarpaat, akissarsialeriffimmut tunngatillugu sulilinnik isornartoqartitsillutik, taakkununga ilanngullugit kukkusumik aningaasarsiasanik naatsorsuinerit, amigartumik sulianut uppersaatsaqsartitsinerit aammalu suleriaatsit akissarsialeriffiullu iluani nakkutilliinerit amigartut, matumani ilanngaatit ilanngaatigereerlugit akissarsianut takussutissat misissoqitassat nassiunneqarneq ajornerat ilanngullugu.

Kommunip oqaaseqaatit isumaqatigai.

Suliassaqarfimmi allaffissorneq sullissinerlu pitsaanerulersinniarlugu sulissuteqartuarpoq.

Kommunip akissarsiasanut atortua nutaanngitsuummat suliassat arlallit namminneq sularineqartariaqartarput, nukippassuarnillu aningaasanillu annertuunik atuiffiusariaqarlutik. 2023-mi nammineq sularineqartartut ilaat maskinanut suliassanngortinneqarnissaannut suliaq aallartinneqassaaq. Taamatut suliaqarneq piffissamik, sulisunik aningaasaqarnikkullu atorsinnaasanik kinguneqartitsinissaa naatsorsuutigineqarpoq, taamaalilluni sullissinerup pitsaanerulersinneqarnissaanut qulakkeerinninnissamat piffissaqarnerulertoqassaaq.

Akissarsianik nakkutilliineq pitsaanerulersinniarlugu 2021-mi, kommune, Deloitte suleqatigalugu, maskinanut suliassanngortinneqarnissaannut (RPA) siunertamat ineriartortitsivoq. Tamannali siunertaasoq malillugu ingerlanngilaq. 2023-mi ilanngaatit ilanngaatigereerlugit akissarsianut takussutissat aqutsisunut nassiunneqartarnissaat misissorneqartarnissaallu qulakkeerniarlugu suliniutinik aallartitsisoqassaaq.

#### **2013-9: Suliatigut aqutsisutut nakkutiginninneq amigaataasoq**

Kukkunersiuisut maluginiarpaat, meeqqanik inuusuttunillu aammalu inersimasunut tunngasunik sullissinermi pitsaassutisimik qulakkeerinnittartussamik suliatigut aqutsinermik nakkutilliisoqarnissaa amigaataasoq.

Oqaaseqaammi pineqarput Suliffeqarnermut Isumaginninnermullu Ingerlatsivik aammalu Meeqqanut Ilaqutariinnullu Ingerlatsivik. Taamaattumik akissuteqaat tulluuttumi marlunngorlugu avinneqarpoq.

Suliffeqarnermut Isumaginninnermullu Ingerlatsivik pillugu oqaaseqaammut akissut:

Pisortanit ikiorsiissutit pillugit suliniummik aallartitsisoqarpoq, taassuma imaraa aalajangerit tamarmik, immikkoortortaqarfimmi aqutsisumit atsiorneqartinnatik,

# Nassuiaat



KOMMUNEQARFIK SERMERSOOQ

Postbox 1005, 3900 Nuuk

[www.sermersooq.gl](http://www.sermersooq.gl)

suleqammit misissorneqartassasut. Taamatut misissuisarnermut assingusumik ineqarnermut tapiissutinut aallartitsisoqarpoq. Inatsisini tunngavissaqarnersoq, eqqortumik uppersaataitaqarnersoq eqqortumillu naliliisoqarnersoq/aalajangiisoqarnersoq misissorneqartarpoq.

Tamatuma saniatigut Naammagittaalliuteqartarfimmi suliat aaqqissuussaasumik misissorneqartarput suliallu aalajangersimasut malitseqartinneqartarput suleriaatsimik allannguutissaqartoqarpat.

Sullissinermi aalajangikkat tamarmik (inersimasut pillugit isumaginninnermut inatsit) aqutsisumik atsioqatigiiffiqineqartarput, taassumalu eqqortumik inatsisitigut tunngaveqarnersoq, pisarialinnik uppersaateqarnermut kiisalu naliliinerup/aalajangiinerup ataqatigiinneranik misissortarpei.

Suliatigut aqutsisutut nakkutiginninneq amigaataasoq pillugu kukkunersuisut oqaaseqaataat peerneqartariaqarput iluarsineqarlutilluunniit, siuliini takutikkatsigu aaqqissuussaasumik, ataavartumik, najoqqutassiatigut suliatigut aqutsisutut nakkutiginninneq ingerlanneqartartoq takutikkatsigu.

Suliffeqarnermut Isumaginninnermullu Ingerlatsivik suleriutsini suliatigut nakkutilliinermik siammasissumik pilersitsinikuuvoq tamatumalu ineriartortinnissaa ingerlaavartumik sulissutigineqarpoq. 2021-mi periutsit assigiinngitsut misillitarneqarput. Ilaatigut aalajangersimasumik ataatsimiinnernik misissuillattaariffiusut Deloittep kaammattuina malillugu misilerarneqarnikuupput. Taamaattorli suliniutip iluaqutissartaa suliniuteqarsimanermit naapertuutinnigisoq erserpoq, peruserlu ingerlatsinikkut aaqqissuussaasumik amerlasuunik suliassalimmik ingerlatsinissamut atussallugu pivusorsioortuunngitsoq nalilerneqarpoq.

Immikkoortortami aqutsisoq suliani ilaatigut misissuillattaarisarpoq, inussaqartilluguli sulisut misissueqatigisarlugit. Taamatuttaaq Isumaginninnermik Naammagittaalliuteqartarfimmi suliat, suliat ataasiakkaat aaqqiissuteqarfigineqarnissaat aammali suleriaatsinik allanngortiterisoqarnissaanik pisariaqartitsisoqarnerata nalilernissaa siunertaralugu, suliarineqartarput. Suliffeqarnermut Isumaginninnermullu Ingerlatsivimmit naammagittaalliutiginninnermik suliat suliarineqartarput misissuillattaarinermi atugassatut attuumassuteqartut kiisalu tamakkuninnga suliaqartarneq ataatsimut isigalugu misissuillattaarisarnermut naapertuuttumik naleqartoq, nalilerneqarpoq. Suliffeqarnermut Isumaginninnermullu Ingerlatsiviup matumani Ingerlatsinermut Aningaasaqarnermillu Aqutsinermut Najoqqutassiami qanoq misissuillattaarinernik ingerlatsisoqartarnissaanik piumasaqaateqartoqanngitsoq maluginiaqquaa.

Suliffeqarnermut Isumaginninnermullu Ingerlatsiviup Ingerlatsinermut Aningaasaqarnermillu Aqutsinermut Najoqqutassiami, imm. 33-mi allassimasoq malillugu nalinginnaasumik pisortat susassaqaafiini aningaasaqarnermut



ataatsimiititamat ukiup affakkaartumik ilisimatitsisoqartanngitsoq isumaqatigaa, tamatumalu siunissami ingerlanneqartalernissaa sulissutigissallugu.

Meeqqanut Ilaqutariinnullu Ingerlatsivik pillugu oqaaseqaammut akissut:

Suliatigut aqutsinermik nakkutilliinermik kingornagullu malitseqartitsinermik suliaqarneq, oqartussaaffeqarfiup aaqqissuuteqqinneqarneranut, nutaamik ESDH-mik atortorissaarutitaarnermut aammalu oqartussaaffeqarfiup allaffissornikkut toqqammavissaanik sulinermut atatillugu isigineqassaaq.

2023-p qiteqqunnerani Meeqqanut tunngasunut App-ip atuutilersinneqarnissaanut atatillugu aqutsinermik nakkutilliinerit nalinginnaasut, aqutsinermik suliaqarnermut aalajangersimasumik ilaasussatut ilanngutsinneqarsinnaanissaat pitsaanerullissasoq, naatsorsuutigineqarpoq.

Taamaattorli 2023-miit aallarniutitut qaammammut ataasiarluni aalajangersimasumik periuseqartoqalerpoq, tassani inissiinermut suliat sisamat misissuillattaarineri toqqarneqartarput misissorneqartarlutillu kukkunersiuisunit ilisserut tunngavigalugu.

### **2013-12: Sanaartornermut naatsorsuutini il. il. tunniussineq**

Kukkunersiuisut nalunaarutigaat, kukkunersiuisut nalunaarutaat qulaajarneqareersut, taamaattumillu kukkunersiuisut oqaaseqaataat matuneqartoq.

### **2014-2: Qarasaasiatigut nakkutilliissutini tamanut atuuttuni sanngiiffiit amigaatillu**

Kukkunersiuisut oqaatigaat, kommunip qarasaasiaqarnerata (ax aamma mr-løn) annertunersaa aaqqissuussanit avataaneersunit isumagineqarmat, avataaniit ingerlatsinerup illersorneqarsinnaasumik isumannaatsuunera qulakkeerniarlugu kommune ataavartumik taakkunannga paasissutissanik pissarsiniartassasoq.

Kommunip oqaaseqaatit isumaqatigai. Oqaatigineqarpoq ajornartorsiutitut isigineqartoq pisortani ataatsimoorussamik ingerlanneqartariaqaraluartoq, ilaatigut kommunip sullississutai pingaarnerit eqqarsaatigalugit – aningaasaqarnermut akissarsianullu tunngasut – suliassammi taakku pisortani ataatsimut qarasaasiaqarnermi allaffeqarfimmit isumagineqartarmata.

Kommunip oqaaseqaat Pisortat ataatsimut IT-mut, AX-imik MR-løn-imillu ingerlatsisuullutillu akisussaasunut ingerlateqqissavaa,

Kommunip nammineq suliffimmi IT-mik aaqqissuussinera ingerlatsinermik pilersuisumi Combymit ingerlanneqartoq, inatsisitigut isumannaallisaanermut piumasaaqaatinik tamanik malinnippoq.



### **2018-05 Suliffeqarfiit attavigisartakkat peqatigalugit akiligassiisutinin nalogiissaarineq amigaatilik**

Kukkunersuiusut nalunaarutigaat, kukkunersuiusut nalunaarutaat qulaajarneqareersut, taamaattumillu kukkunersuiusut oqaaseqaataat matuneqartoq.

### **2018-06 Kalaallit Nunaanni Namminersorlutik Oqartussallu aaqitassanik nalogiissaarinnginnerit**

Kukkunersuiusut maluginiarpaat, qangaaniilli naatsorsuutinin inissitsiterneqartartut pillugit illuatungeriit sulii isumaqatigiissutigisimanngikkaat, taamaattumillu innersuussutigineqarpoq ataavartumik nalogiissaarisooqartassasoq, ikinnerpaamik ukiumut ataasiarluni.

Kommunip oqaaseqaatit isumaqatigai.

2021-miilli akiligassanik/pisassanik nalogiissaarineq ingerlavoq. 2022-p ingerlanerani aamma aningaasartuuteqarfinnik nutaanngitsunik torersaanissaq siunertaralugu qaamatikkaartumik Namminersorlutik Oqartussat ataatsimeeqatigineqartarsimapput. Isumaginninnermi Aqutsisoqarfiik aamma ataatsimeeqatigineqartarpoq.

Isumaqatigiissuteqartut angusaqarluarsimapput, sulili aningaasartuutinin ammasoqarpoq matusariaqartunik. Torersaalluni suliaqarnermi annertoqisumi aningaasartuutit nutaannginneraat siulliullugit matuneqarnissaat ukkatarineqarpoq. 2022-p aallartinnerani aningaasartuutit 80-it ammasimapput, 4,5 mio. koruuninik amerlassusillit, 31.12.2021-mit nutaannginnerit.

2023-mi kvartalit aappaanni, aningaasartuutit ammasut 31.12.2021-mit nutaannginnerusut 25-upput, 970 t. koruuninik nalillit. Taamaattumik annertuumik siuariartoqarsimavoq.

Annerpaartaat Isumaginninnermi Aqutsisoqarfimmiit akiligassaapput, Suliffeqarnermut Isumaginninnermullu Ingerlatsivimmiit aamma Meeqqanut Ilaqutariinnullu Ingerlatsivimmiit nassiunneqarsimasut.

Taamaattumik Namminersorlutik Oqartussat tassungalu ilanngullugu Isumaginninnermut Aqutsisoqarfiik suliaq tamanna pillugu naammassineqarnissaalu pillugu oqaloqatigineqartarput.

Uninngasut amerlanerit 2023-p naanerani naammassineqarnissaat naatsorsuutigineqarpoq.

### **2019-01 Isumaginninnermut tunngasuni sullissinnermi kukkunerit amigaatillu**

Kukkunersuiusunit oqaatigineqarpoq, suliaasaqarfinni pisortanit ikiorsiisutinin, siusinaartumik soraarnerussutisialinnut, meeqqanut aamma angajoqqaarsianut taavalu



suliffeqarnermut tunngasuni sullissinerni annertuumik amigaateqartoqartoq takuneqarsinnaasoq.

Kukkunersiuissulli sullissinerup pitsaassusaa qaffariarsimasooq oqaaseqaateqarput.

Oqaaseqaammi pineqarput Suliffeqarnermut Isumaginninnermullu Ingerlatsivik aammalu Meeqqanut Ilaqutariinnullu Ingerlatsivik.

Taamaattumik kommunimit akissuteqaat tulliuuttumi marlungorlugu avinneqarpoq.

Suliffeqarnermut Isumaginninnermullu Ingerlatsivimmi pisortat ikiorsiissutaannut aamma siusinaartumik pensionisianut tunngasut pillugit oqaaseqaatinut akissuteqaat.

Ulluinnarni sulinermi ajunngitsumik ingerlanneqarnerisut 2020-mi arlalitsigut suliniuteqarfigineqarput. Tamanna sulissutigineqaqqissaq.

### **Allattuisussaataanerup malinneqannginnera**

Allattuisussaataaneq ukkatarineqarpoq. Ilaatigut ingerlatsivimmi inatsisilerituup ilinniartitsineratigut iliuseqarfigineqarpoq, aamma sapaatip-akunneranut suliat pillugit ataatsimiinnerni aalajangersimasumik erseqqissaatigineqartuarpoq.

### **Pisortanit ikiorsiissutit**

Suliffeqarnermut Isumaginninnermullu Ingerlatsiviup suliniutit suut atorineqalersimanersut nassuiaassutigereerpai. Tassani ersarissarneqarpoq AX-imi fagmodulit nutaat innuttaasunut aningaasat tunniunneqartussat piffissamik eqquinissaat eqqortuunissaallu pitsanngorsarsimagaat. Taamaattumik Suliffeqarnermut Isumaginninnermullu Ingerlatsiviup eqqarsarnartoqartippaa sooq tamanna kukkunersiuissut nalunaarutaanni ammatinneqarnerisooq.

### **Aningaasatigut pisassat naatsorsornerisa uppernarsaatit amigaateqarneri**

Pisortanit ikiorsiissutinik qinnuteqaatit tamarmik AX-imut ikkunneqartarput. Sullissisullu atortorissaarummut ikkussimanngippatigut akuerineqarneq ajorput. Tassa imaappoq qinnuteqaatit kiisalu aalajangiinermi allakkiat tamaasa ikkunneqartarput. Allakkiat tamaasa ilanngunneqarsimanngikkunik ikiorsiissutinik aallartitsisoqarneq ajorpoq. Suleqatigiit aqutsisuat matumani aqutsisutut misissuisarpoq. Pisortanit ikiorsiissutinut tunngatillugu AX-imi sulianut moduli 2020-mi novembarip qaammataani atulersinneqarpoq.

Kommunimi sulianut tamanut Paamiut minillugit atuuppoq, Paamiunimi pisortanit ikiorsiissutinut qinnuteqaatit sumiiffimmi akuersissutigineqartaramik.

### **Iliuusissatut pilersaarutit suliarineqartartut amigaateqarneri**

Pisortanit ikiorsiissuteqarnermut peqqussut malillugu pisartut tamakkerlutik iliuusissatut

# Nassuiaat



KOMMUNEQARFIK SERMERSOOQ

Postbox 1005, 3900 Nuuk

www.sermersooq.gl

pilersaarusiunneqarnissaat inatsisitigut pituttuisuunngilaq. Taamaattoq piffissami sivilisunerusumi pisortanit ikiorsiissutinik pisartagaqartut iliuusissanik pilersaarusiunneqarnissaanik neqeroorfigineqassapput.

Iliuusissanik pilersaarusiortoqarnissaanut neqeroorfigineqartussat amerlanerussasut sulissutigineqarpoq. Tasiilamut tunngatillugu piffissami aalajangersimasumi immikkut iliuusissanik pilersaarusiortussamik taartaasutut atorfinitsitsisoqarnissaa isumaliutigineqarpoq. Taamaattumik massakkut Tasiilami pisortanit ikiorsiissutinik pisartut iliuusissatut pilersaarusiunneqarnissamik neqeroorfigineqarput. Aammali kommunimi illoqarfinni arlalinni iliuusissanik pilersaarusiortarnissamut malinnaasinnaaneq killeqassasoq ilisimaarineqarpoq, tassami neqeroorutit killeqarmata.

Oqartussaaffeqarfimmut immikkoortortaq suliffeqarnermut immikkoortoq peqatigalugu innuttaasunut iliuusissanik pilersaarusiortarneq ataatsimoorunneqarpoq, taamaaliornikkut allaffissorneq annikinnerullunilu suliniuteqarnissaq pingaarnerutinneqassaaq.

## **Malitseqartitsinerup amigaaqarnera**

Pisartagallit tamarmik qaammatit pingasut tikillugit pisartakkaminnik fagmodulimi nutaami pissarsiuuaannarsinnaapput. Piffissaq qaangiuppat, sullissisup innuttaasoq allakkatigut qinnuigissavaa kontut allattorsimaffianik nassiusseqqullugu. Innuttaasup paasissutissat pissarsiarerusunneqartut tunniuppagit, suliffissaaleqisutullu nalunaarsortippata, pisortat ikiorsiissutaannik pisartagaqarnerat ingerlaannassaaq. Paasissutissanik tunniussinngitsoorpata, pisartagaqarneq unitsinneqassaaq. Tamanna sullissisut isumagissavaat.

Aamma ilanngullugu oqaatigineqassaaq, sapaatip akunneri allortarlugit misissorneqartassamat, pisortat ikiorsiissutaannik pisartagallit suliffissaaleqisutut nalunaarsortissimanersut. Taamaangippat, pisartakkat unitsinneqassapput.

Paamiuni sullissineq aamma Nuummiit pitsaassutsikkut qulakkeerinniffigineqartarpoq, qulakkeerniarlugu eqqortumik tunniussisoqarnersoq.

Pisortat ikiorsiissutaannut tunngatillugu suliniutit allaaserineqartut iluanniittut pitsaasumik kinguneqarpassippat, tassami naammagittaalliutigineqartartuni amerliartortuni kommune eqqortumik sullissisimasutut nalunaarutigineqartarmat.

## **Aningaasaliissuteqarnissamut tunngaviusumi uppersaatait amigartarnerat**

Siusinaartumik pensionisiaqalernissamut maannakkut periuuserineqartoq imaappoq:

1. Paasissutissanik pissarsiniartarneq, nakorsap uppersaataanik pissarsinissamut ingerlateqqinneqartartoq
2. Sullissisup iliuusissatut pilersaarusiaa

# Nassuiaat



KOMMUNEQARFIK SERMERSOOQ

Postbox 1005, 3900 Nuuk

www.sermersooq.gl

3. Kinaassutsimut ilisarnaat
4. VMF (pisariaqanngilaq, qinnuteqartoq suliffeqarpat)
5. VMF-iliuusissatut pilersaarut
6. Sulinermik misiliineq
7. Sulinermi oqaaseqaat
8. Naliliineq
9. TFU-mit innersuussut

Siusinaartumik pensionisiaqalerniartumik sullissisup qulaani taaneqartoq suliareerepagu, (TFU)-mi ataatsimiinnissaq sioqqullugu piareersarnermi misissoqqissaarneqassaaq. Piareersarluni ataatsimiinnermi ataatsimeeqataassapput sullissisoq, isumaginninnermut siunnersortit pisortaata, immikkoortortami aqutsisoq aamma fagcheffi. Aamma TFU-mi misissorneqassapput suliamut tunngatillugu uppernarsaatit pisariaqartinneqartut pigineqarnersut. Taakkununga ilanngullugu, sulisinnaassutsimik naliliineq ullormi tassani paasisstutissiissutigineqartunut naapertuunnersoq.

## **Siusinaartumik pensionisiaqalerniartut nalilersoqqinneqartarnerat pillugit suliat amigaateqarnerat**

Siusinaartumik pensionisiaqalerniartut pillugit suliat assingannik pensionisiaqalerniartut nalilersoqqinneqartarput.

Siusinaartumik pensionisiaqalerniartunut suliassat allaaserineqartut aamma pitsaasumik sunniuteqarsimarpassippat, pissutigalugu naammagittaalliuutigineqarsimasuni kommune eqqortumik sullissisimasutut amerliartortunik nalunaarutigineqartarmat.

## **Suliffeqarfinni piginnaangorsaaneq aammalu nakkutigisami sulineq kiisalu Nuttartarnissamut siuarsaanermut pisartagaqarneq**

Maannakkorpiaq ingerlatsiviup Majoriami suliassat pingaernerit iluanni piginnaatitsissutinut qaffasissutsit ineriartorteqqillugit ingerlanneqarput, taamaasillutik sulisinnaassutsimik naliliinermi suliareqqissaakkanik iliuusissatullu pilersaarutini/piginnaangorsaqaqiinissamullu pilersaarutini sulinermi oqaaseqaatinik piginnaatitsissuteqarnissamut naammattumik peqartoqarlunilu malinnaatitsiuartoqarnissaa pitsanngorsaaffigineqarniassammat.

## **Meeqqanut Ilaqutariinnullu Ingerlatsivik pillugu oqaaseqaammut akissuteqaat:**

Ataatsimut isigalugit ingerlatsiviup kukkunersuiusup sullissinerup siuariaateqarluni pitsaanerulersimaneranik oqaaseqaataa nuannaarutigivaa. Taamatut oqareeriarluni, Meeqqanut Ilaqutariinnullu Ingerlatsiviup ilisimalluinnarpaa sullissinerup pitsaassusiata suli ilinniarfigineqarsinnaanera.

# Nassuiaat



KOMMUNEQARFIK SERMERSOOQ

Postbox 1005, 3900 Nuuk

[www.sermersooq.gl](http://www.sermersooq.gl)

## **Allattuisussaataaneramik malittarisassanik malinninnginneq:**

Meeqqanut Ilaqutariinnullu Ingerlatsivik 2022-p ingerlanerani pisussaaffiliilluni sulianut tunngasunik sapaatip-akunnera allortarlugu pingasunngornikkut saqqummiisarpoq. Tassani sullissinerami atugassat Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq, Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq kiisalu Pisortat ingerlatsinerat pillugu paasitineqarsinnaatitaaneq pillugu Inatsisartut inatsisaat nr. 9, 13. juni 1994-imeersoq immikkut pingaartillugit sammineqartarput akulikitsumik. Allattuisussaataanerup pingaaruteqassusia matumani sukannersumik erseqqissaassutigineqarpoq. Aammattaaq immikkoortoqarfinni aqutsisut suleqatigiinnilu aqutsisut sullissisunik eqqaasitsisarput sullissinermut atatillugu allattuisussaataaneramik, tassa sulianik suliarinninnermi aamma suliat meeqqanut ataasiakkaanut tunngasut kiisalu pilersaarutaasumik sulianik misissuinerne pisartussaq pillugu.

## **Inissinernik nakkutillineq:**

Meeqqanut tunngasunik aqutsineq suliarinninnerlu Meeqqanut Ilaqutariinnullu Ingerlatsiviup piffissami sivisuumi immikkut eqqumaffigalugit ingerlappai sulilu ingerlallugit. Meeqqanut Ilaqutariinnullu Ingerlatsivik 2021/2022-p ingerlanerani pingasunngornerit tamaasa suliat pillugit ataatsimiititsisalersimavoq, tassungalu sullissisut tamarmik pinngitsooratik peqataasussaapput. Tassani sullissinerami atugassat Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq, Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersoq kiisalu Pisortat ingerlatsinerat pillugu paasitineqarsinnaatitaaneq pillugu Inatsisartut inatsisaat nr. 9, 13. juni 1994-imeersoq immikkut pingaartillugit sammineqartarput. Pingasunngornerit immikkut sulianut tunngasunik, oqartussaaffeqarfinni sullissisunut, sammisaqarfiusarput. Tassani ingerlatsivimmi pingasunngornerit allortarlugit pisussaaffiliilluni sulianut tunngasunik pissarsiaqartarussaq, qanoq Meeqqanut tunngasunik suliat pitsaanagerusumik suliarineqarsinnaanerannut, aamma inissinernut tunngasunik suliat ilanngullugit, aallaaviuvoq.

Sullissisut akornanni ilinniakkatigut qaffasaanissaq suliniutit arlaqartut ilagaat, sullissinerup pitsanngorsarneqarnissaanik kinguneqartussaq. Tassunga ilanngullugit sulisunik attassiinnarnissaq sulinngitsoortarnerlu suliarineqarput, ESDH-millu atortup ikorfartuutaasup atuutilersinneqarnissaa.

Ataatsimut isigalugu taamatut sulineq ukiuni arlalinni ingerlasussat naatsorsuutigineqarpoq - tamatumani ajornakusoornartinneqarsinnaasut 2022-p naalernerani inaarutaasumik naammassineqarnissaat naatsorsuutigineqanngilaq. Oqaatigineqareersutut 2023-mi ingerlatsivik ulloq unnuarlu paaqqinnittarfinnut tunngasuni qaammatikkuutaartumik taamungaannaq tigusilluni misissuisalerpoq, misissorneqartarput taaneqareersutut sisamaapput (inunnut tunngasunik nakkutillineq, nakkutillinerami uppernarsaasiisarneq, iliuusissatut pilersaarutit, oqaloqatiginnittarnerit).

# Nassuiaat



KOMMUNEQARFIK **SERMERSOOQ**

Postbox 1005, 3900 Nuuk

[www.sermersooq.gl](http://www.sermersooq.gl)

**2019-02 Ingerlatsinerup sanaartornerullu akornanni paasiniaaneq** Kukkunersiuisoq ilisimatitsivoq paasiniagassaq paasineqarsimasoq taamaattumillu kukkunersiuisut oqaaseqaataat matuneqartoq.

**2020-02 Attartornermut attartortitsinermullu isumaqatigiissutinik Naalackersuisunut akuersissutigisassanik nassiussisannginneq** Kukkunersiuisoq ilisimatitsivoq paasiniagassaq paasineqarsimasoq taamaattumillu kukkunersiuisut oqaaseqaataat matuneqartoq.